



Вадрясто анокстамс сюронь урядамо кампаниянтень

Пиземев ды якшамо тундонть лангс атак вано, тедице минек республикасо успешнасто ютавтозь тунда видеамсь. Лембе, маней читнень самост марто паксятнесэ сюротне кармасть касомо бойкасто. Республикасонть учови сю-пав урожай. Минек икеле ней ашти од боевой задача—весеме ёндо вадрясто анокстамс те сюпав урожаенть пурнамо.

Малав сакшны сюронь урядамо шкась—сэрей урожаенть кис бороця-монь меельце ды решающей шкась. Штобу успешнасто ютавомс те покш хозяйственно-политической кампани-янть, эряви эсь шкасто ды парсте анокстамс сонензэ. Ютась иетнень прак-тикась невтизе, што сеть колхознэ, конат эсь шкасто кармасть анокстамо сюронь урядамо лангонть, вадрясто витнизе весе уборочной машинатнень, тень пингстэ ловизь весе «мелочтнень» —уборканть ютавтызь паро качества марто сеть сюротнес, конань аравтинзе правительствась. Неть колхознэ эсь шкасто тонавтызь государстванть икеле весе обязательстваст ды получать покш доходт.

Ламо колхозт, совхозт ды машинно-тракторной станцият парсте чарькодизь сюронь урядамонть эсь шкасто анок-стамонть значениянзо. Сынй нейке уш кундасть уборочной машинатнень, ин-вентаренть ды сбруенть витнеме. Тень-сэ колхозтнэнь, совхозтнэнь, МТС-тнэнь, партийной ды хозяйствен-ной руководителънэнь эрва чинь покш лескс максить комсомольской ор-ганизациятне. Тень коряс секте вадря-сто ашти теверь Ромодановской район-со. Тесэ ламо колхозга комсомолецнэ роботыть кузнецекс, бойкасто ды сэрей качества марто витнить уборочной ма-шинатнень.

Но пеланек республиканьт еще лавшосто моли уборочной машинатнень витнеамсь, сюронь урядамо лангонть сынст анокстамось. Теде пек парсте кортыть вана кодат даннойтне. Мордо-виянь МТС-тнэва июнень 15-це чинть самс комбайнань текущей ремонтонь коряс планось тонавтозь ансяк 17,4 проценте, а капитальной ремонтонь

коряс—17,8% проценте. Кода неяви, МТС-нь комсомольской организациятне лавшосто, пек лавшосто лездыть хо-зяйственной руководителънэнь ды партийной организациятнэнь истямо покш задачанть решамосонзо, кодамокс ашти комбайновой парконть сюронь урядамо шканть анокстамозо.

Ламо таркава беряньстэ моли истя жо лия уборочной машинатнень вит-неамськак. Примернь кис можна саемс Краснослободской райононь «Земледе-лец» колхозонть. Колхозонть улить уборочной 6 машинанзо, конатнэнь эряви теэмс покш ремонт, но сынст ускизь кузница ваксэ ды тень лангс оймасть. Машинатнень витнеме те шкас еще кияк эзь кундсеяк.

— Меже мон могу теэмс машинатнень марто,—корты кузнецекс Гришакин ялгась.—Сынст эрявить запасной частть, а завхозось Негоднов ялгась чистэ ансяк сёрмали неть частнень ле-мест, теверь жо каднови истяк икеле ладо.

А меже жо вань тень лангс колхоз-ной комсомольской организациясь, мейс жо сонзэ а кармавты мелавтомо убо-рочной машинатнень витнеамс марто истямо положениась?

Колхозонь, совхозонь ды МТС-нь комсомольской организациятнэнь, ве-се комсомолецтнэнь ды комсомолка-тнэнь эряви пучомс весе внест се-нень, штобу маласо шкастонть пря-домс комбайнань, тракторной ды кон-ной пивсэма машинатнень, жнейкат-нень, лобогрейкатнень ды лия убороч-ной машинатнень витнеаманть. Эрва комсомолецэнт сех покш ды почетной задачазо—сюронь урядамонть анок-стамонь роботатнесэ ды сонзэ ютавто-мань шкастонть невтеме личной при-мер ды эсензэ образцовой, самоотвер-женной роботасонзо тердемс весе мас-сатнень социалистической паксятнесэ сюпав урожаенть кис бороцямо.

Весеме ёндо вадрясто анокстаз васт-сынек сюронь урядамо кампаниянть ды ютавтынек сонзэ нурька шкас, сэрей качества марто!

Иван Франко лемсэ Украинской театранть спектаклянзо ютнить пек вадрясто

Московсо пек вадрясто ютнить Лени-нэнь орденэнь Иван Франко лемсэ Ки-евской Академической театранть спек-таклянзо. Станиславский лемсэ театрань помещениясонть сонзэ спектаклятнес свал сакшныть пек ламо москвичть. Столицасонть аравтнезь весе постанов-катне—Франконь «Украденное счастье», Корнейчуконь «В степях Украины» ды лият—пек вадрясто невтить украин-

ской театральной культуранть виевстэ касоманзо.

Иван Франко лемсэ театрась июнень 15-це чинь чокшне таго невтизе Кор-нейчуконь «В степях Украины» пье-санть.

Спектаклясонть ульнест П. В. Сталин, В. М. Молотов, А. И. Микоян, А. А. Жданов, Н. С. Хрущев, Л. П. Берия, Г. М. Маленков ялгатне. (ТАСС).

Стартось максозь

Стартонтень састь ламо кементь виев ды шумбра од ломать. Неть Кадошки-нань райцентрань комсомолецтнэ мак-сыть чиамань коряс норматнень.

Максозь старт. Аламо шкань ютазь Троельников судьясь ёвтынзе результатнень. Васенце тарканть райцентрань комсомолецтнэнь юткето занize Банников ялгась, сон тыща метратнень чинизе колмо мину-

тас. Омбоце тарканть занize Давыдов, сонзэ шказо колмо минутат комсэ се-кунда.

Кроссонь ламо участникть эзизь мак-со норматнень, те корты седе, што рай-центрань комсомолецтнэ беряньстэ аноктасть соревнованиятнэнь, аса-тышкасто ютавотельть тренировочной занятиятне.

П. Кильдюшкин.



Эрва чистэ валске ды чокшне можна нееме ламо од ломать профсоюз-но-комсомольской кроссонть стартсто. Эрванть ули мелезэ максомс чийнемань коряс норматнень.

СНИМКАСОНТЬ: МАССР-нь Наркомземень сотрудицатне профсоюзно-комсомольской кроссонть участницатне.

Фотось П. Ивановонь.

Сех ламотне ютызь аравтозь дистанциятнень

Июнень 17-це чинть самс Инсарской районсо чийнемань коряс профсоюзно-комсомольской кроссонть эйсэ примасть участия 1.285 ломань, сынст эйстэ 975 комсомолец. Кроссонь участниктнень эйстэ сех ламотне эсь шкасто ютнить аравтозь дистанциятнень.

Июнень 18-це чистэ вадря показателъ невтсь Госбанконь роботникесь

комсомолецэс Крендельщиков ялгась. Сон тыща метратнень чинизе 2 мину-тас 50 секундас, Желябов лемсэ совхо-зонь комсомолецэс Микшин ялгась—2 минутас 55 секундас. Вавилкина ялгась (Госбанк) 500 метратнень чин-зе 1 минутас 35 секундас.

П. Емельянов.

Ниле районга васень читнень результатнэ

Ст. Синдровской районсо ВЛКСМ-нь члентнеде лововить 900 ломань, ию-нень 18-це чинть самс жо профсоюзно-комсомольской кроссонть эйсэ примасть участия ансяк 470 комсомолец. ВЛКСМ-нь райкомонь роботниктнень эйстэ кой-кить тень снартнить толко-вамс сенсэ, што ломатнень арась ме-лест примаемс участия кроссонть эйсэ. Те педепев а виде. Эряви ансяк маш-томс организовамо теветнь, эряви ру-ководить кроссонть эйсэ, сестэ аволь ансяк комсомолецтнэ, но зарья сядот од ломать лисить чийнеме. Ст.-Синдров-ской районсо жо кроссонть эйсэ бе-ряньстэ руководят, беряньстэ анок-тасть, пек аламот тренировалиськак.

Аволь седе вадрясто ашти теверь Ар-датовской районсо. Те неяви сенсэ, што районной центрассонть кроссонть

эйсэ июнень 18-це чинть самс при-масть участия 101 комсомолец, аволь союзной од ломатнеде жо ансяк 23.

Рузаевской районсо теке жо шканть самс кроссонть эйсэ участвовали 200 комсомолец—10 организациясто. Лия велетнень коряс седе вадрясто ашти теверь Ворошилов лемсэ колхозсонть (секретаресь Мактяшин ялгась). Тосо весе комсомолецтнэ лиснест кроссон-тень ды ютызь аравтозь дистанцият-нень, чийнеме сакшность зарья аволь союзной од ломатькак.

Эряви меремс, што седе вадрясто ашти теверь Чамзинской районсо. Тосо уш июнень 15-це чинть самс кроссов лиснест 1.328 ломань, сынст эйстэ 801 комсомолец. Ротанов, Злобин, Ефи-мов комсомолецтнэ 1000 метратнень ютызь 3 минутас.

Учить башка указаният

А лыжной комсомольской кроссонть, а массовой гимнастической соревнова-ниятнесэ—косаяк эзь прима участия Саранскоень маслзаводонь комсомолец-тнэ. Ды нейгак, зардо ошонь весе ор-ганизациятне ютавтыть профсоюзно-комсомольской кросс, сын мик весть-как эзь пурнавкшно тренировкас.

ВЛКСМ-нь комитетань секретаресь Спириин ялгась учи башка указаният комсомолонь горкомсто.

Комсомолецтнэнь юткесо улить ламо призывникть, ансяк конаньгак эйстэст арасть оборонной значоконзо. Призыв-

никесь Ермаков ялгась сайнесь мель июнень 13-це чистэ пурнамс весе ком-сомолецтнэнь ды ютавомс мартост тре-нировка. Паряк пурнавлинзаяк сынст, бути Спириин ялгась аволь моле мелен-зэ каршо.

— Указаният зярс еще эзь са... кенерят.

Истя те шкас учить башка указа-ниянт.

И. Саля.

Саранск.

Ушодовсть кочкомань роботатне

Кадошкинской районь «Ленин ча», Нариманов лемсэ ды лия вельхозартель колхозникне кармасть озимой ды яровой сюротнень кочкомо. Теке марто вейсэ сынн бороцить велень хозяйствань вредительнень каршо.

«Юлдус» колхозось те районсонть ловови икеле молициякс, но озимой ды яровой видефтнень тесэ кочкомо эзть карма, атак вано сень ланге, што сынст ютксо касы ламо сорной тикше.

Кочкомась вадрясто моли Кочкуровской районь зярья колхознэсэ. П. Тавлань «XVII партсъезд» вельхозартельсэнь прядызь озимойтнень кочкоманть, кармасть яровонь кочкомо.

Кочкуровской вельсоветень «Большевик» ды «Путь Ильича» колхознэсэ беряньстэ организовазь кочкомань роботатнень.



Саранской пеньвокомбинатонь од роботничась Калинин ялгась производственной заданиянзо свал топавтни 127 проценты.

Фотось П. Ивановь.

Бороцямс экономиянтъ кис, расточительностентъ каршо!

Красный Узел станциянь комсомолецтнень питней ушотксост

Зярьдо рессорной втулкась ёзавиль ды айзэнзэ теевиль апокике ласкеке, сонзэ саилизь ды ёртылизь. Мейле дефицитной деталтне понгильть валязь кшнитнень, кшни петнень юткс, ёматильть эрва кодамо хлам, мусор юткс. Сынн теевильть металлической отходокс, конатнень кучилизь или кшнинь солавтома (плавельной) заводов или овси ёмилить. Истямо коесь ульнесь зярья нень перть. Рессорной ламо втулкат шкадо икеле ёмсильть эрва кодамо кшни пе юткс, ёртнекшилить утильсырьес, уксевильть пильгало. Ды аволь ансяк рессорной втулкат. Болтт, сложной ды простой инструмент ёзавильть, таштомилить ды мейле сынст лангс кияк а варштыльгак. Теильть истя: робочеесь саилизе ёзавозь деталтень, а ваньль, пек ли сон ёзавсь, кольсь или эзь, — пугылизе ве ёнов или ёртылизе седе вавос, штобу аволь меша роботам таркасонть. Истя тейнилить инструментэнь мартояк. Зярьдо аламо таштомилъ, сонзэ кандылизь складов ды саилить тарказонзо од. Тесэ истя пек вечкильть эрва мезе ансяк яла од, што эрвась бажиль саемс инструмент, кона ансяк лиссь токарной станоксто. Аламот арылть седе, што истямо пек покш разборчивостесь тейни ламо зыян вагоноремонтной пунктонтень, канды ламо убытка. Лиясто кармилить тень кувалт кортнеме, но свал пачкодильть вейке выводс: уксомс седе ламо од оборудования, инструмент, детальть.

...Те ульнесь партиянь Всесоюзной XVIII-це конференциядонть аламо мейле. Комсомолецтнэ кандсь ВЛКСМ-нь комитетс рессорной втулка, болт ды лия деталть, конатнень сынн муизь отходтнень ютксо. Сынн кармасть кортамо, што вана неть деталтнень, конат пек эривить мастерскоентень — нолдамс тевс. Ёвтнесь, мезе эриви тевс. Саты ансяк электросваркань пачк нолдамс аламо таштомозь, ёзавозь пелькстнень ды одтнеде а берянь карми улеме втулкась, конань ней ловсть а маштовиксэкс.

Те предложениянть кувалт ушо-

довсть ламо кортамот. Кармась неяви-мо, што одс витнемс, тевс нолдамс можна аволь ансяк рессорной втулканть, но болтненьгак, инструментненьгак.

Комсомолецтнень васень опытанть кармась улеме покш успехезэ. Куроксто вагоннь витницятне кармасть тевс нолдтнеме одс витнезэ деталть. Партийной организациясь шнызе комсомолецтнень тевест. Деталтнень ды инструментнень витнеме кармасть вагоноремонтной пунктонтень весе робочейтне.

Тевесь, конань ушодызь комсомолецтнэ, кармась максомо покш лезэ. Одс витнезэ, одкс теезь деталесь стиль одонть коряс колмоксэ седе дешевасто. Вагоноремонтной пунктонтень комсомолецтнэ нурька шкань перть восстановили 300 рессорной втулкат, 60 килограммадо ламо болтт ды гайкат. Ки лангонь 13-це дистанциянь комсомолецтнэ пурнасть ды восстановили 2.500 болт.

Деталтнень одс витнемстэ-тейнемстэ, комсомолецтнэ пачкодсть истямо выводс: бути инструментэнтень бережна относиться, трудонь производительностенть атак алкинйгавто, сон саты пек кувать. Стась вопрос: кода робочейтне кирдить-ванстыть инструментнень, кодамо состояниясэ аштить станоктне, машинатне? Сынн ютавтсть легкой кавалериянь кавто рейдт механической оборудованианть, роботамо таркатнень состояниясэ проверямонь коряс. Кой-кона робочейтне беряньстэ относились механизматненень, конатнэсэ сынн роботыть. Станоктне ульнесь рудавозт, сынст умок уш а урядакшныльть. Комсомольской рейдтнэ ламо од кандсь цехенть эрмонтнень. Седе сеетсть кармасть шлакшномо киякстнень, кармасть цитордомо машинатне, роботамо таркатнэсэ теезь эривикс порядок.

Пек седе кепетець комсомолецтнень трудонь производительностест. Кой-конат сменань перть теить ветень-ветень нормат. Пестов ялгась сменазонзо чинь заданиянзо топавтни 490 проценты. Нормань коряс кавксь-колмоксэ седе ламо теекшнить вагоноремонтной пунктонтень комсомольской организациянь

секретаресь Маслов ялгась, ВЛКСМ-нь члентнэ Балмусов, Кулагинды лия ялгатне. 30 комсомолец кармасть улеме чугункань ки лангонь транспортонь стахановецэкс.

Аволь умок комсомолецтнэ кундасть еще вейке пек важной тевс. Сынн кармасть пурнамо раужо металонь ёртневкст, кшни петь. Мастерскойтнень, депонтъ, китнень чирева ёртнезэ ламо тоннат раужо металл, кона пек эриви минек промышленностентень. Нурька шкас комсомолецтнэ пурнасть малав ведьгемень тонна кшни, сталь, чугуун. Од тевесь, конанень кундасть комсомолецтнэ, максы еще седеяк покш результатт, бути айзэнзэ кунды весе организациясь.

Мартонок кортнемстэ Узелонь парткомонь секретаресь Петров ялгась тешкстызе, што меельсэ шкастонть комсомольской комитетэсь лавшомгавтызе бороцямонть партиянь XVIII-це конференциянть решениянзо топавтоманть кис. Депонь комсомолецтнэ еще а сатышкасто невтнить азоронь мелавтома эсь производстванть кис. Сынн ламодо чумот сень кис, што депосонть захлавленной роботам таркатне, стяко ламо ютавнить электроэнергия, ваднема ой. Вагоноремонтной пунктонтень покш перерасход строительной материалтнень коряс. А ведь комсомолецтнэ могли теемс порядок те тевсэнтъ. Кой-кона робочейтне лоткасть ванномодо роботамо таркатнень, механизматнень ваньксийст мельга. А комсомолецтнэненъ а кода ютамс тень вакска!

Нурькинэстэ мерезь, комсомольской организациянтень эриви атак сизе роботамс партийной XVIII-це конференциянть решениянзо тевс ютавтомаст коряс.

П. ИЛЬИН.

Ромодановской р-н, Красный Узел станция.

Агитационно-массовой роботасонть комсомолецтнень участияст

1940 нень сентябры ковсто Б.-Березниковской районной комсомольской V-це конференциясь эсь решениясонзо кармавтынзе весе комсомолецтнень приамс активной участия агитационно-массовой роботасонть. Ды первичной комсомольской организациятне тевсэ топавтыть те решениянть. Кемень ковтень перть, конат ютасть комсомольской конференциядонть мейле, районсонть пек седе вадрылгавсь колхозниктнень ды од ломатнень ютксо агитационно-массовой роботась. Комсомолецтнэ трудица массатненень толковать партиянь ды правительстванть решенияст, колхозниктнень мобилизовать хозяйственно-политической кампаниянень успешнойстэ ютавтом, сталинской уржаентъ кис бороцямо.

Паракинской средней школань учительс-комсомолецэс Нуштаев ялгась меельсэ колмо ковтнень перть Максим Горький лемсэ колхозсонть ютавтсь зярья докладт ды беседат. Нуштаев ялгась кемекстэ агитационно-массовой роботань ветьямо колхозонь 4-це ды 6-це бригадатнес. Сон колхозниктнень толковинзе партийной XVIII-це конференциянь материалтнень, тейнесь докладт международнои положениядонть ды зярья лия вопросонь

коряс. Весемезэ неть кавто бригадатнесэ ютавтсь 17 беседа. Теде башка Нуштаев ялгась 6-це бригадасонть регулярна нолдтни стенгазета.

Теке жо колхозсонть вадрясто вети агитационно-массовой робота учительсэ комсомолецэс Сайгушев ялгась. Сон кемекстэзэ животноводческой ферматнес. Докладонь, беседань тейнемадонть башка нолдтни стенной газета «Животновод», конаньсэ номерстэ номерс невтневи скотинань тям-раштамонь коряс сехте вадра роботниктнень опытэст, теке марто кеместэ критикови лодырьтнень. Газетань нолдамо тевсэнт Сайгушев ялгась эсь перьканзо пурнась корреспондентской кеме актив, кона тензэ макени покш лескс. «Животновод» стенгазетась районсонть ловови сехте вадракс. Максим Горький лемсэ колхозонь партийной организациясь Сайгушев ялганть ней кемекстызе общеколхозной стенной газетань редакторокс.

Тазинской велень советэнь депутатс-комсомолецэс Храмов ялгась ловови сех вадра агитаторокс «Искра» колхозсонть. Паксясэ роботыця колхозниктнень ютксо ловнокшны газетат, журналт, художественной литература.

Ютавтни беседат. Храмов ялганть инициативанзо коряс колхозной ловнома кудосонть организовазь справочной стол. Колхозниктнень икеле выступлениань тейнеме тердекшнесы хоровой кружоконтъ. Паксясэ сеетсть выступает музыкальной кружокосъ. Аволь умок Храмов ялгась примазь ВКП(б)-нь членкс кандидатокс.

Комсомолецэс Чигадаев ялгась меельсэ шкастонть Калинин лемсэ промартелень робочейтненень тейсь 13 доклад, толковинзе партийной XVIII-це конференциянь решениянть, ютавтсь беседат од заемонть значениядонзо, продукциянь качестванть кис бороцямодо, империалистической омбоце войнадонть ды лият. Чигадаев ялгась виевстэ роботы эсензэ идейно-политической уровеньнзэ кепедеманть лангс, тонавтни партиянь историянть, ловны политической ды художественной литература. Аволь умок Чигадаев ялгась аравтозь «Заря» промартеленть председателекс.

Можналь бу невтемс еще зярья примерт, конат кортыть седе, што Б.-Березниковской райононь комсомолецтнэ ветить агитационно-массовой покш робота, лездыть партийной ды советской организациятненень сеньсэ, штобу успешна ютавтнемс хозяйственно-политической кампаниянень. Теке марто комсомолецтнэ эсь роботасонть лездыть трудиянтнень, од ломатнень коммунистической воспитаниясонть.

Яла теке эриви меремс, што кой-кона комсомолецтнэ овси кодамояк робота а ветить колхозниктнень ютксо. А тонавтнить сынськак. Народонтъ ютксо истят комсомолецтнень арась кодамояк авторитетэст. Виде, сынст эйстэ аламо, но яла теке улить.

Вана, примеркс, Судосевань средней школань преподавательс-комсомолецэс Усанов ялгась а топавты натой тензэ максозь поручениянтькак. Сонзэ кемекстакшнызь колхозсо агитаторокс. Ды те шкас пряк эзь невтне колхозниктнэненень. Агитационно-массовой ды вообще кодамояк общественной робота Усанов ялгась а вети.

Б.-Березниковской райононь колхозтнэ парсте ютавтызь тунда видеманть. Ней сокить паринат. Колхозтнэ ды МТС-тнэ анокстыть сюронь урядомс шкантень, штобу сонзэ ютавтомс эсь шкасто ды ёмавксто. Комсомольской организациянтень, комсомолецтнэнь задачат ашти сеньсэ, штобу седеяк келейгавтомс агитационно-массовой роботанть, колхозниктнэненень толковамс ВКП(б)-нь ЦБ-нть ды СССР-нь СНК-нть постановленияст трудонь кис дополнителной пандомадонть, личной примерэнь невтезь бороцямс трудонь дисциплинанть кемекстамонзо ды трудонь производительностент кепедеманзо кис.

И. ТЮРКИН,

Б.-Березниковской р-н.

Кода ютавтызь васень походонтъ

Саранск ошонь омбоце школань педагогической коллективенть совещаниео решазель культурна ды разумна организовамс кизень каникулатнень шкастонтъ тонавтиятнень оймсемаст.

Учительтнень отпускост планировазья, што весе кизэнтъ перть школань карми улеме учитель, кона вейсэ вожатонтъ марто карми ветиаме эйкакштнень ютксо оздоровительной работа. Тень кувалт уш каникулань васень читвестэ ушодозь интересной мероприятий.

Школанть арась эсензэ модань участказо, секс натуралистической роботанть ветиць эйкакшонь парконтъ. Паркось лездась школантень обработать участка, козонь тонавтиятне учительтнень лездемонзэ коряс видеть зярна зерновой ды бобовой культурат.

Юной натуралистэ покш мельспаросо ваннать, кода сынт растениятне чиде-чис яла касыть ды кемекстыть. Валске марто эйкакштне 9 чассто сыть парконтень, ванкшнысь культуратнень, штобу содамс, конанень аряви максоме подкормка.

Школась вети эйкакштнень ютксо туристической работа. Тосо чарькодизь, што а месь косто бути лиясто уксемс геологической коллекция, а мейсэ учторгсто рамсемс насекомойт. Решизь школасонтъ организовамс уголок-музей. Тозонь пурныть насекомойт, растеният ды лият, кодат улить Мордовиясо, истязо исторической ды лия материал.

Аволь умок юной туристэ учительтнень историкентъ руководстванзо коряс якасть ниле чинь туристической походе Саранск—Рузаевской район маршрутканть. Эйкакштне ульнесь полной походной снаряжения марто: рюкзакт (эйсэст колмо чис ярсамопель), компас, Мордовиянь карта, ярсамопель пидема ведрынь, насекомонь кулсвемепель ды лият.

Походонь шкастонтъ эйкакштне тонадсть эстет ярсамопель анокстамо, толбандянь кирвастеме, шалашонь те-еме, мукшномо светэнь частнень полярной тештентъ, часонь ды естественной лия приметань коряс.

Эсест маршрутонтъ прыдовама малав эйкакштне якасть Рузаевкасо чугункань ки лангонь станциянтень, косо 1905 иестэ ульнесь Рузаевской железнодорожиктнень стачка. Совсест помещениантень, косо ютавтиль заседанийт стачечной комитетэсь, кунцолость беседа, якасть школантень, козонь кекшнесь царской полициянт эйстэ стачкань руководителесь Бойкузов ялгась. Ульнесь МТС-сэ, косо кунцолость беседа МТС-нтэ историядонзо. Мекев самсто эйкакштне пурнасть геологической ды насекомонь коллекция, растениянь гербарийт.

Буроксто эйкакштне туить походе лия маршрутка. А. Асеев.

Те—сехте паро оймсема

Минь пек вечкынек туристической те-вентъ, походнтень, секс 1940 иень тельня совинек туристической кружоконь членэкс. Тонавтиема иенть перть вети-нек анокстамо те кизень туристической походонтень. Минек руководителесь тейсэ интересной план.

Минь парсте тонавтиник топографиянтъ, ютавтиник завият археологиянтъ ды геологиянтъ коряс. Истязо тонавтиник санитарной те-вентъ, штобу эрва юной туристэсь походонь шкасто маштоволь васенце лесксонь максомо.

Бурок сыргатано походе. Пурнатано коллекция, гербарийт, карматано со-дамо исторической памятниктень, конат вастовить минек маршрутонтъ.

Пек интересна улема туристической походсо. Те—сехте паро оймсема. Теке жо шкане минь ламодо седе супалгавт-сынек эсь знаниянок.

Р. Леонтьева,

А. Удалова,

Саранской 1-це № школань тонавтият.



Ардатовской райононь ламо од ломать тустъ тонавтиеме ФЗО-нь шкслав.

СНИМКАСОНТЬ: Ардатовской горсоветэнь исполкомонь председателесь А. И. Лазарев-кортни ФЗО-нь школав приз-ванной од ломатнень ды сынт тетяст-аваст марто.

Фотосъ Ив. Антоновонь.

ФЗО-нь школатнес призывесь ютась организованнойстэ

Организованнойстэ ютась Мордовской республиканть келес ФЗО-нь школат-нес призывесь (мобилизациясь). Ламосядот од ломать тустъ тонавтиеме ике-депелень специалистэкс, сынт ютксо зярна комсомолец.

Эрва велестэ, колхозсто ламо од ломать эсь мельсэ бажить молема фабрично-заводской обучениянь школав. Эсь заявлениасст сын сёрмадыть седе, што тонавтиеманть прыдомадонзо мейлечестна кармить роботамо минек масто-ронь социалистической промышленност-сэнтъ, советской фабрикантэсь ды за-воднтэсь.

Ельниковской районсто ФЗО-нь шко-лав кучозь тонавтиеме колхозной 68 од ломань.

ФЗО-нь школав молемадо заявлениат максокшность Б.-Березниковской райо-нонь Гузынца велень «2-я больше-вистская весна» колхозонь ламо од ло-мать. Сынт ютксо кочказь сехте вад-

ратне. И. Никитин, В. Учайкин, М. Четвергов ялгатне мерить, што сын школасонтъ парсте тонавтиесызь техни-канть ды весе получаць знаниянтень, навиктень, эсь вист кармить мак-сосо социалистической промышленност-сэнтъ парсте роботамонтень.

Ч.-Промза велесэ ФЗО-нь школав кучозь Н. Пичайкин, А. Ведайкин ды М. Комкин комсомолецтэ. Колхозонь правлениясь призывниктнень рамась од оршамопель ды карсемепель.

Кочкуровской районной призывной комиссиясь ФЗО-нь школав кочкась тонавтиеме молема ламо бажиянтень ютксто 109 ломань. Весе сын чум-рат, физически виевть. Пеледест ла-мотне комсомолецт, колхозной паксянь ударникт.

Организованнойстэ, парсте ютась ФЗО-нь школатнес мобилизациясь рес-публикань лия районтэваяк.

Седе ламо мель призывниктнень анокстамонтень

Неень международной обстановкась ды масторонь оборонань интереснэ вешить пек покш работа призывникт-нень марто.

Ансяк тень беряньстэ чарькодизь Краснослободской районсо. Тесэ при-зывниктнень эйсэ Якстере Армияв анокстыть лавшосто. Заречное, Селища ды М.-Паракина велетнесэ овси кода-моля работа мартост а ветиць.

Осоавиахимень райсоветэсь (предсе-дателесь Сучков ялгась) вете ковонь перть анокстась ансяк 15 ворошилов-ской стрелок.

Физкультурань райинспекторось Ча-дин ялгась сень таркас, штобу кемес-тэ кундамс призывниктнень анокста-монтень, месткак а тейни.

ВЛКСМ-нь райкомось истязо ашти ве ёно те пек покш те-вентъ эйстэ.

Г. Зюзин.

Краснослободской р-н.

ЮННАТНЭНЕНЬ ЛЕСКСЭС

Бороцямс сорной тикшетнень каршо

Эйкакшт, тынь содатадо, што минек партиясь ды советской правительствась аравтсь велень хозяйстванть икелев задача: саемс тедице зерновой культу-ратнень урожай 7 миллиард 900 мил-лион пондо. Покш урожаянь получа-монтъ кисэ колхознтэ ды совхознтэсь паксянтэсь ютавтинь зярна агротех-нической мероприятият.

Сюронь чачомаантень покш зыян тей-нить сорной тикшетне. Сын моданть эйстэ сайнить леткемьт, сюротненень эрвикс пицанть, чи валдонть ды лем-бентъ, сын истя виевстэ ды сарейстэ касыть, што глушакишнысь сюрот-нень. Сорной тикшетне пек мешить сюронь видемань ды урядомонь коряс роботатнень ютавтомстояк.

Зярдо паксясо касыть ламо сорной тикшетъ, сестэ беряньстэ чачить сюрот-не, лиясто жо овси ёмакшныть.

Сорной тикшетнеде пек ламо ды сын сех покш зыян тейнить яровой

сюротненень, технической культурат-ненень, эмежтненень ды модамартне-нень.

Сорной тикшетнень каршо боро-памонтъ кис эрви, агротехнической лия мероприятиятнеде башка, эсь шкasto ютавтиеме кочкома, модамартнень ды корнеплоднтэнь кизэнтъ кавксть-кол-моксть окучивания.

Пионернтэненень ды школьниктнень эрви кизень каникулатнень шкастонтъ лездеамс колхознтэненень ды совхознтэ-нень сорной тикшетнень каршо боро-памосонтъ. Тень коряс можна саемс пример Рузаевской райононь Тат.-Пил-ля велень эйкакштнень пельде. Сорной тикшетнень каршо боропамонь коряс тосто зярна пионерт ды тонавтият ютась иестанть кемекстазельт велень хозяйствань Всесоюзной выставканть участникекс. Краснослободской 2-це но-мер средней школань 6-це классонь то-навтиятэсь Косихина Вера ютась иень

кизна каникулатнень шкастонтъ яксиль кочкомо ды сон тейсэ 92 трудочи, секе жо школань тонавтиятэсь Крючкова Настя паксянь работасо теекшнесь 70 трудочи. Покш лескс максокшность эсь колхозонтень Чамзинкань средней шко-лань тонавтиятне. Сайгуш велень школань тонавтиятэсь Суслин Коля каникулань шкатнестэ теекшнесь 135 трудочи.

Истят примертнеде минек аволь ала-мо. Но эрви теемс истя, штобу тедице седеяк ламо пионерт ды тонавтият лисевельт паксяв, сорной тикшетнень каршо боропамо. Тень коряс ламо те-вонь эйкакштненьягак. Ламонь улить эмежбирест, улить пришкольной участ-кат, козонь виднить эмежт. Эрви ве-тямс сынт мельга уход, ютавтиемс коч-комат, окучиваният. Теде башка ошонь эйкакштне могут молема лездемо мала-со аштиця колхознтэненень.

Сорной тикшетнень каршо боропамо-сонтъ пионернтэ ды тонавтиятне мак-сыть колхознтэненень ды совхознтэненень пек покш лескс сень коряс, штобу те-диде получаамс супав урожай.

Д. Григорьев.

Велень хозяйствань Всесоюзной выставкасонть

600 тыща ломанделамо уш ульнесть велень хозяйствань Всесоюзной выставкасонтъ. Малав 28 тыща колхозник тесэ тонавтизнь передовой хозяйстванень ды стахановецтнень опытэст, кармасть содамо велень хозяйствань наукань достижениятнеде. Эрьва чистэ кементь научной роботникть ютавтизнь экскурсантнень марто беседат. Профессортнэ ды академиктне ловныть лекцият. «Животноводство» павильонсонть 5 тыщадо ламо животноводт, дояркат, конюхт ды чабант примасть участия 125 беседасо.

Тыщат ломатне покш мельсэ ёвтнить посетительтнень эсест опытэст. Июньень 18-це чистэ «Хлопок» павильонсонть вастовсть Узбекистанонь, Туркмениянь ды Азербайджанонь колхозниктне. Братской колмо республикань сядодо ламо представительтне гордость марто ёвтнесть вейкест-вейкест туртов седе, кода одкс теевсть хлопководствань районть.

«Ленинград и Северо-Восток РСФСР» павильонсонть ульнесть беседа Горьковской областень велень хозяйствань достижениятнеде. (ТАСС).

И. И. Черевичноень ливтница лотказо тусь ледовой разведкас

Июньень 18-це чинь валске полярной авиациянь роботниктне Москосто провозижь арктической од рейсе содавикс полярной пилотонть И. И. Черевичноень. Лодкась кепедевсь ливтямо Химкинской водохранилищастонть.

«СССР—Н-275» ливтница морской лодкась Черевичной ялганть прявтос тусь ледовой разведкас Лаптевтиень морянтень ды Восточно-Сибирской морянтень. Ливтница лодкантень сави вешнемс трасса морской кораблянтень туртов, конат якить Северной Морской кияванть западсто восток ёнов ды востоксто запад ёнов. Действиянь покш радиусось, кона ули лодкасонть, максы вейке рейсань шкастонть содаме пек покш таркасо эйтинь состояниаст.

Ливтница лодкань командась Арктикасо арси улемс сентябрю ковонть прядовома. (ТАСС).

Европасо, Африкасо ды Азиясо войнась

(Июньень 18-це чистэ военной действиятнень дневник)

Июньень 18-це чистэ суткань перть германской авиациясь бомбардировась Восточной ды Юго-восточной Англиясо аэродромтнень, зенитной батареянь позициянтень ды портовой сооруженийтнень. Мольть операцият морясо. Германской сводкась пачти, што Атлантической океансонть германской подводной лодкатне ваявтсть 5 английской торговой пароходт.

Июньень 17-це чинь чокшне английской самолетнэ атаковизь Ла-Маншсо германской суднатнень ды Северной Франциясо кой-кона объектнень. Июньень 18-це чинь каршо вестэнт английской авиациянь соединениятне тейст налет Западной Германиять лангс. Бомбардировкатнень основной объектэс ульнесть Кельнень ды Дюссельдорфонь промышленной предприятияне.

Средиземной морянь бассейнасонть итальянской самолетнэ бомбардировизь Мальта островонь аэродромтнень.

Юнайтед Пресс агентствась пачти, што англичантнэ ёртсть Гибралтарской проливынь ведтнесь глубоинной бомбат, кода неяви, сень кувалма, што тосо аштить итальянской подводной лодкат. (ТАСС).

Северной Африкасо, Соллумонь секторсонть, невтневи германской командованиянтень сводкасонзо, англичантнэ снартнесть бронетанковой покш частнень лездомо сеземс германской фронтонь египетской границанть маласо,

но теньстэ мезеяк эзь лисе. Английской сводкась корты, што англичантнэ шаштсть Капуццо фортонтень (Ливийской территориянь лангс).

Восточной Африкасо, Абиссиниясо положениась эзь лиякстома.

Сириясо яла моли французской войскантень контраступленияст. Июньень 17-це чистэ французской отрядтнэ сазь англичантнень кестьсэ Изранть, Мерджайунонть ды Эль-Кунайтранть. Английской войскантне седе мейле пазь французтнень Изра ды Эль-Кунайтра пунктнестэ.

Рейтер агентствась пачти, што французской частнень контраступленияст ушодовсь англичантнень туртов апаку. Французской артиллериясь пек виевстэ леднизе английской позициянтень, теде мейле кармасть ветьамо наступления танкатне ды пехотась.

Кода пачти Гавас--ОФИ агентствась, английской войскантень наступленияст лоткавотзь фронтонь вете участкатнестэ. Противникень коммуникацияне эрьва косо аштить угроза ало. Кой-кона районтьсэ французской разведывательной отрядтнэ пачкодсть наторой гранипантень. Мерджайунонть семадонзо мейле французской войскантне моли икелев английской ды деголлевской вийтнень кавонест флангтнестэ, ды яла сайнить пленнойть. (ТАСС).

Дружбадо германо-турецкой договорось

Германской информационной бюрось пачти, што июньень 18-це чистэ 21 чассто Анкарасо ульнесть сёрмадозь Германиять ды Турциять ютксо дружбадо договор. Договоронть подписали германской посолось фон Пауен ды иностранной тевтнень турецкой министрсь Сараджоглу.

Германиясь ды Турциясь сайть обязательства взаимна вецкемс сынт национальной территориянтень целостност ды неприкосновенност ды а примсеме кодаткак мерат, конат улевельть

бу нолдазь витьстэ или косвенна омбоце ёнксонть каршо.

Германиясь ды Турциясь сайть обязательства кирдемс икелепелев дружественной контакт весе вопроствань коряс, конат савишныть сынт взаимной интереснянень, сень туртов, штобу тееме соглашения неть вопроствань коряс.

Договорось совась вийс сёрмадомазо шкастонть сазь ды теэзь 10 иень сроке. (ТАСС).

КИНО

„Фронтовые подруги“

«Фронтовые подруги» кинокартинась (сценарись Михалковонь ды Розенбергенъ, режиссерось Эйсымонт), конань нолдызе «Ленфильмась», невти белофинтнень каршо вивнасонть минек тейтертнень участиаст.

1939—40 иень якшамо телесь. Зрителенть икеле славной ошось—Ленинградось. Врагось овси ошстонть аволь васоло. Белофинтнэ, империалистнень невтемас коряс, тейсть дерзкой вызов—войнас. Советской народось вейке вайгельсэ отвечась: Ленинградось должен улемс аволь опасностесь!

Ленинградонь вейке вокзал, кона пешкесе фронтов туция красноармеецтэ. Вана ашти фронтов туция тейтерень группа. Сынт ютксо ниле вадра ялгат: Наташа, Тамара, Зина ды вишка тейтерькине, конанень мерсть прозваниясо «Чижик». Вейсэ добровольна сырчить фронтов. Сынь содылизь санитарной сестрань тевенть, маштыльть ранань тапаримо, но а содылизь алкуксонь войнанть.

Минек тейтертне госпитальсэть, конань велкесэ ливтни врагонь самолёт. Кой-конат тейтертнень эйтэ тандалесть, но пряс кирдсть стойкойстэ. Маласо моли снарядонь сезневемань глушица вий. Тесэ тейтерькатне васеннеде ма-

ризь войнанть суровой правданзо. Сынь неить, кода ускить ранязь боецтнень, конатнень ранастост чуди верь.

Ускить ранязтнень од партия. Юткост стакасто ранязь Морозов разведчикесь, конань героизмадо сёрмадсть минек газетатне. Тейтертне аштить чинек-венек тарканзо вакссо, бритить сакалонзо, ловныть тензэ книгат.

Якстере Армиясь тусь наступленияс. Славной сапертнэ ловонть потмова пачкодить белофинтнень укреплениязост, сезить динамитс железобетонной укреплениянтень. Госпиталентень седе сеетсьтэ ды сеетсьтэ кармасть усксеме раненойтне. Эрявсть 5 сандружиничат фронтонь передовой линиянтень. Сынт марто моли дружиниктнень командирэст—Наташак. Сон марясь тумадом икеле, што маштовсь сонзэ женихезэ Коровин лейтенантось. Наташа Матвеевань горясь потмозонзояк а кельги. Но сон а стувтни родинань интереснянень.

Ардыть фронтонь виев турема таркантень. Санитарной машинаст пачкодсь мина лангс... Тейтертне лыжасо сырчить икелев. Ютамсто чувство прасо кекшезь белофиннэсь ледизе ялгасть—Зинань,—19 иесэ тейтерьканть. Санитарной шоферэсь Тришин чувство

пряс маштызе белофиннэнь. Ялгатне покш горя марто калмизь эсест вечкевикс ояст.

Тейтертнень сельмест икеле моли войнась. Эрьва пельде ливтить пулят. Санитаркатне боком молезь пачкодить ранязтнень ды ускить эйсэст тылэв. Пек вадрасто невтневи ДОТ-онь саема спенась. Сон рисови войнанть аволь чождачинзэ, невти Якстере Армиянь боецтнень героизмат, мужество, самоотверженност. ДОТ-нэ тапаз. Наташа ды Чижик санитарной машинасо ускить раненойтнень. Сразу кист лангс саяворсь чувство. Лоткась машинась. Вирьстэнтэ лисить финят ды леднить дружиничатнень лангс. Наташа ледни белофинтнень каршо ручной пулеметсо, ёртни гранатат, но удалдо молезь белофинн... Наташа пры ранязь. Сонзэ таркас арась Чижик. Санитаркатнень вийтне эль-эль маштыть. Но вана ардсть советской броневикть, сынь лепштизь белофинтнэнь.

Ленинградской больницысо аштить лейтенантось Коровин ды разведчикесь Морозов. Састь Наташань содавтомо. Наташа неIZE Коровинэнь. Но кадаяк а кем: кода появась Коровин, конадонть кортасть прок кулозде.

Те вастомань сценась пек трогательной. Сонзэ артистнэ: Коровин (Абрикосов), Наташа (Федорова), Морозов (Блинов), наклсизь жизненна правди-



А. М. Горькоень куломдонзо мейле 5 иень топодемантень Саранской Центральной библиотекасонтэ организовазь великой пролетарской писателенть произведенийанзо выставка.

СНИМКАСОНТЬ: Саранск ошонь тонавтициятне выставканть вакссо.

А. М. Горькоень памятьс

Культурань ды оймсемань Горький лемсэ Центральной парконь Зеленой театрасонтэ ульнесть ютавтозь А. М. Горькоень памятьс общемосковской вечер.

Вечерэнтэ панжизе наукатнень Академиянь вице-президентэсь О. Ю. Шмидт. Писателесь-академикесь Алексей Толстой кортась заветнэде, конатнень Горький кадынзе советской литературантень.

Горькоень произведениянтнень революционной рольдест ды сонзэ революционной деятельностинзэ пек вадра речь марто выступил Ем. Ярославский академикесь.

Валонь гениальной художникенть марто эсест вастневематнеде лепнемат ёвтнесть писателтне-орденоносентнэ К. Федин, Л. Кассиль ды В. Шкловский.

Вечерсэнтэ ульнесть 20 тыща ломань. (ТАСС).

войстэ. Нама, покш тесэ заслугась Эйсымонт режиссеронтькак.

Сехте покш мель явовты картинань героинянтэ—Наташа Матвеевань образозо, конасо фильмань автортнэнень ламодо удалась видестэ невтем советской тейтерень, честной патриоткань правдивой образонть. Наташань ролект артисткась Зоя Федорова, сталинской премиянь лауреатось, конань уш вадрасто содасы зрителесь, налкми исключительна выразительностэ.

Целанек «Фронтовые подруги» кинокартинась покш удача, явовты эсензэ пелев покш мель. Сон простойстэ, а эрявикс красавтомо ёвтни войнань тежденть, што войнасонть чождасто мезеяк а тейневи: Фильмась особенна питней минек од ломатненень. Тесэ эрьва советской од пёрась, тейтерькась нессь, кода эряви анокстамс эсь прятть икелепелень войнантень. Эряви маштомс весемень тееме, улемс выносливойкс, физически шумбраке, мезентень эрьва чи и аноксыть советской од ломатне. Тенень тонавтть весе минек народонть, героической Якстере Армиянтэ партиясь ды правительствась.

В. Столбов.

Отв. редакторось А. ЩЕГЛОВ.